

Гектараснь 130 центнер

ургъц

Каспийск района, «Оленичевский» совхозин бакц болн темс тәрдж ургъаджах бригад (бригадирнь Д. Манджиев), бакцасн ик ургъц авч Элст балгъсна гүүлгәнә организацт болн төмр хаалгъар талдан чигн балгъсдур йовулджана. Ода гектар болгънас 100-130 центнер тарвс авчана.

Ягъад иим ургъц авчана гихлә, Манджиев урднь Алтайск крайд кӧдлмш кегъә йовдж, гурвн джилә агротехническ сургъуль дасад, полеводствин мастерин нер зүүсн кӱн. Тегәд тенд бригадир боллад кӧдләд, джил болгън ик ургъц авч йовсндан үр Манджиев Цугсоюзин селәнә эдлахун гәәхүлд орлцад, цагъан мӧнъгн медаляр ачлгдла.

Тегәд үр Д. Манджиев сән дамшлтта болсн учрар тәрсн темсән асрад ик ургъц авб. Ода үр Манджиевин бригадт кӧдлджәх кӧдлмшчнр энүнәсн ик кӱцлмүд кӱцхәр шунджацхана.

П. ЛИДЖИЕВ.